



# KIMIAD AR ZOUDARD YAOUANK

gant Prosper PROUX.


*War an tón ordinal pe war an tón neve-man.*




Ma c'halon a zo frailhet dre nerz ma enkrezoù. Ma da -



ou - la - gad en - ta - net n'o deuz mui a zae - rou, Deud



eo siou - az! an devez ma ren - kan di - le - zel Lec'h



kaer ma bu - ga - le - ach, ma bro ga er Breiz - Izel.

Ma c'halon a zo fraillhet dre nerz ma enkrezoù,  
 Ma daoulagad entanet n'o deuz mui a zaerou;  
 Deud eo, siouaz! an devez ma renkan dilezel  
 Lec'h kaer ma bugaleach, ma bro gaer Breiz-Izel!

Keno d'id, ma zi balan, kuset 'barz an draouien,  
 Tachen c'hilaz war behini, bugel, e c'hoarién;  
 Gwez ivin ker bodennek, e disheol a bere,  
 E-pad tomder an hanvou, e kousken da greiz-de.

Keno! keno! mamm ha tad, breman n'esperit mui  
 E chomfe ho mab kared da harpa ho kozni,  
 Evit gounid d'ec'h bara. 'vel m'hoc'h euz gread d'ezan;  
 Al Lezen zo didruez, ho kwitaad a renkan.

Nag a wech, ma mamm dezer, e renkfet-hu lenva,  
Pa zeuy ma c'hi ankenied en-dro d'ec'h da ruza ;  
Pa welfet, war an oaled, ma skabellik c'houllou  
Hag ar c'hifnid o steui war ma fenn-baz derou.

Keno ! bered ar barrez, douarou binniget,  
Pere a guz ma c'herent gand ar Zalver galvet ;  
Da ouel an Anaon klemmuz, n'in mui war ho peziou  
Da skuilha dour binniget mesket gant ma daerou.

Keno ! ma muia karet, ma dousik koant Mari,  
Eur blaneden digar a zeu d'hon glac'hari ;  
Euruzded ha levezek skeduz zo tremenet  
'Vel en oabl ar goumoulen gand an avel kaset.

Na welin mui da lagad ker lemm ha ker laouen  
O virvi gant plijadur, e ti pe erruen,  
Da zournik gwenn ker mibin o trei ar c'har en dro ;  
Da vouez flour mui na glevin o kana va gwerzo.

Pa oamp er c'hatekismou, hon daou c'hoaz bugale,  
Hon c'halonou diskiant, e kuz a 'n em gleve ;  
Dirag Gwerc'hez ar c'hroaz-hent, nag a wech e touejomp  
Na erruje birviken disparti etrezomp !

Yaouang ha dibreder, siouaz ! ne wiemp ket  
Nag ha bet c'houerventez er vuez zo hadet ;  
Evidomp ne oa, neuze, Lezennou na Roue,  
N'anveemp 'med eul Lezen, hini ar garante.

Keno ! ma nez-amezek, Yannik ma gwir vignon,  
Kamarad ma c'hoariou, ma breur dre ar galon ;  
Piou a gemero breman lod ebarz ma foanio ?  
Piou a gomzo ganin-me deuz ar gear hag ar vro ?

Hepdoun te yelo breman d'ar parrezioù tosta,  
Da bigosad al leuriou 'barz el lajou-dornia ;

Hepdoun te yel da c'hounid maout ar c'hourennadek,  
Da chasa war rubanou ebarz er varadec

Keno ! ma c'hazek velen, skanv evel eun heiez,  
Mistr evel eul logoden, jentil vel eun oanez ;  
N'ez santin ken dindanoun, gand an hast, o tripal,  
Ma daouarn mui ne stagint ar zeien war da dal.

Keno ! ma c'hi keaz Mindu, ma leal kamarad,  
N'efomp ken, dre ar c'hlizen, da glask roudou ar c'had ;  
Ne glevin ken, er menez, da chilpaden skiltruz,  
War ma dourn mui ne zantin da deod karantezuz.

A-benn eun nebeud amzer, kalz a vignoured yen,  
'Barz er zoudard divroet, nep mar, ne sonjfont ken ;  
Mes da galon-te, Mindu, n'eo ket ken ankoezuz,  
Pell e ri c'hoaz va c'hanvou, gand da yezou klemmuz.

Keno ta, plijaduriou, leuriou-nevez, prejou,  
Nezadegou, nozveziou, foariou ha pardonious,  
Ebatou ker birvidik, biniou zard ha sklentin,  
Na drido mui va c'halon gand da zoniou lirzin.

Keno kemend a garan, keno da virviken !  
Pell diouz a Vreiz me varvo, mantret gand an anken !  
'Vel eur blantenn gizidik, evid ar vro krouet,  
A renk gwenvi ha mervel, kercent m'eo divroet.

---